

## Čire čačimata ande jekh folkhögskola (škola maj phurenge)

Studjulis ande jekh folkhögskola? Si tuke čores kusa čiri situatsia vaj si tut konflikt ovaj xoli a školasa? Atunči biris te boldes tu khaj e Folkhögskolornas studeranderättsliga råd – Školaki sikajimaski čačimaski konsilja. Ame šaj das dumo thaj žutipe thaj das informatsia pa čire čačimata.

### **Folkhögskolan si korkori thaj naj but jekhutne reguli**

Folkhögskolan si jekh edukatsiaki forma khaj si inkerdi kuda bulxe tselura thaj si tsera jekhutne reguli. E themeske love so e folkhögskolorna len te birin te inkren pengi edukatsia si ulade khatar e Folkbildningsrådet. Si reguli so si pangle khaj e love, feri o Folkbildningsrådet naj musaj te dikhel perdal thaj te kerel kontroli pe školi. Skollagen – Školake zakoni či inkerdžon thaj naj či soske themeske sikajimaske planura pe folkhögskolor.

Tuke khaj studjulis ande jekh folkhögskola značil kodo ke e školaki borda lel e detsizi khaj porunčil pe čiri situatsia thaj čire čačimata ande škola.

Te zurarel pe e pozitsia kusa e čačimata kodolenge so studjulin ande jekh folkhögskola si e Folkhögskolornas studeranderättsliga råd, FSR (Školaki sikajimaski čačimaski konsilja).

### **Či tsaljol tu? Ande jekh konflikto? kade keres!**

Či tsaljol tu čiri situatsia vaj pelan ande jekh konflikto a školasa? Angluni buči si te boldes tu khaj o rektoro ande škola.

Te si kade ke či tsaljol tut kodo so kerdas pe pala tumaro dikhipe biris atunči te desk odo opre khaj školaki borda. Kana von line pengi detsizia ando pušipe thaj inke naj tuke mišto, biris te desk odo opre khaj FSR.

Save pušimata biris te des opre?

Kadal si eksemplura pe pušimata so šaj des opre khaj FSR:

- čiro kurso či del kodo so e škola phendas ke dela
- e škola das xoxavni informatsia pa obligatorične košti (musajimaske počinimata)

- studentura či birin te den variso pendar thaj e studentonge čačimata
- školake rutini pe buča thaj rezultato naj laše
- jekh kurso xasajvel vaj phandaven les tele
- disciplinarne buča (sar eksemplo sar phandajipe thaj šinipe)

Či birij pe te kerel pe apelatsia gata dikhimata so si dino khaj FSR vaj kaverende so si avri anda anda škola ande kaver instanso.

O šajipe te del pe opre buča khaj FSR si feri tuke so phirel jekh kurso so si maj lungo sar 15 džes. Opre dinipe si te avel khaj o FSR maj palunes jekh berš sar mukhlan e škola.

### **So kerel pe pala kodo ke del pe opre?**

A folkhögskolans borda inkrel responsebilita anda e buča so si ande škola thaj von porunčin save reguli si thaj sar si te aven inkerde. Pala kodo žal FSR khatar e folkhögskolako reguli thaj konditsi kana ame dikhas perdal jekh buči.

FSR či birij soxa te parugel jekh školaki detsivia, birisaras feri te das rekomendatsi khaj e školi, Ži adžes inkerde pe sa e školi pala e rekomendatsi si sas mukhle khatar FSR.

Kames te žanes sar FSR delas pe ghindo ande uni buča? Ginav maj but po [www.folkbildningsradet.se/fsr](http://www.folkbildningsradet.se/fsr)

#### **Len amentsa kontakto:**

FSR oske bučara: 08-41248 10

Folkbildningsrådets telefonosko sentralo: 08-412 48 00

[fsr@folkbildningsradet.se](mailto:fsr@folkbildningsradet.se)